



SIARAN MEDIA

UNTUK SIARAN SEGERA

PROGRAM BANTUAN PENGAJIAN KPT- PTPTN MADANI BANTU 159 PELAJAR UiTM CAWANGAN SABAH

1. Perbadanan Tabung Pendidikan Tinggi Nasional (PTPTN) sebagai agensi di bawah Kementerian Pendidikan Tinggi (KPT) sentiasa prihatin dengan melaksanakan pelbagai program berimpak tinggi untuk kebajikan para pelajar khususnya peminjam PTPTN. Justeru, program Bantuan Pengajian KPT-PTPTN MADANI diadakan untuk menyalurkan bantuan sara hidup kepada pelajar yang kurang berkemampuan bagi meringankan beban kewangan pelajar di Institut Pendidikan Tinggi Awam (IPTA).
2. Pada hari ini, penyampaian Bantuan Pengajian KPT-PTPTN MADANI kepada pelajar Universiti Teknologi Mara (UiTM) Cawangan Sabah telah diadakan di Dewan Tun Mustapha, UiTM Cawangan Sabah, Kampus Kota Kinabalu. Majlis penyampaian telah disempurnakan oleh YB. Dato' Seri Diraja Dr. Zambry Abd Kadir, Menteri Pendidikan Tinggi. Turut hadir, YBhg. Dato' Seri Hj. Norliza Abdul Rahim, Pengerusi PTPTN, YBhg. Profesor Datuk Ts. Dr. Shahrin bin Sahib @ Sahibuddin, Naib Canselor UiTM, YBrs. Encik Ahmad Dasuki Abdul Majid, Ketua Eksekutif PTPTN dan YBrs. Profesor Madya Dr. Rozita @ Uji Mohammed, Rektor UiTM Cawangan Sabah.
3. Melalui program ini, peruntukan yang akan disalurkan adalah sebanyak RM79,500.00 kepada 159 orang pelajar di UiTM Cawangan Sabah, Kampus Kota Kinabalu yang merupakan peminjam PTPTN daripada golongan kurang berkemampuan. Setiap pelajar yang layak akan menerima bantuan sebanyak RM500.00 secara *one off*. Pelaksanaan program ini juga adalah dengan kerjasama Unit Penyelarasan Pelaksanaan (ICU), Jabatan Perdana Menteri dan IPTA terlibat bagi memastikan penerima adalah daripada kumpulan sasaran yang layak. Sejak dilaksanakan pada tahun 2022, inisiatif telah memberi manfaat kepada 1,962 orang pelajar di 16 IPTA dengan bantuan yang telah disalurkan berjumlah RM981,000.00.

4. Diharapkan program Bantuan Pengajian KPT-PTPTN MADANI ini dapat membantu mengurangkan beban kewangan pelajar di IPTA dan memberi sinar kepada para pelajar untuk terus mencipta kejayaan hebat dalam akademik dan sahsiah, sekali gus menjadi kebanggaan ibu dan ayah.

5. Program Bantuan Pengajian KPT-PTPTN MADANI ini ialah satu langkah positif dalam memastikan setiap pelajar yang berkecukupan mendapat akses kepada pendidikan yang berkualiti, tanpa mengira latar belakang kewangan mereka seiring dengan komitmen KPT dan PTPTN dalam memperkasakan pendidikan tinggi di Malaysia. Bantuan ini ialah manifestasi keprihatinan KPT dan PTPTN terhadap golongan pelajar yang memerlukan sokongan kewangan untuk meneruskan impian mereka. Selama 28 tahun penubuhan PTPTN, peranan dan jasa PTPTN telah melahirkan ramai modal insan yang berpendidikan dan menyumbang kepada pembangunan negara.

Diedarkan oleh:

Bahagian Komunikasi Korporat
Perbadanan Tabung Pendidikan Tinggi Nasional (PTPTN)
14 Julai 2025

Untuk pertanyaan daripada pihak media, sila hubungi Puan Rina Abd Rahman (019 - 3888 733) atau Puan Hasliza Abdul Latiff (019 - 354 2388)